

Calvin Maduro tabatin mal actuacion y Oakland ta bati Orioles 12-6 ayera merdia

OAKLAND-E trabao di Cory Liddle no tabata facil. E resto di e team di Athletics a haci mayoria parti di e trabao. Jason Giambi, Terrence Long y Jermaine Dye ta conecta di homerun mientras cu Oakland ta pasa riba Baltimore Orioles cu anotacion di 12-6 ayera pa logra su di cuater victoria consecutivo.

Liddle (10-6) ta permiti dos careda riba seis hit durante shete inning completo. E clave, obviamente, tabata e apoyo cu el a haya di su compañeronan.

“E ta ponebo den un posicion confortabel caminda bo sa cu un pitcheo no lo bai matabo”, Liddle a bisa.

Oakland, cu a cuminsa e dia cu un ventaha di 9 wega y mei pa e wildcard race den Liga Americana, tin 10 victoria den su ultimo 11 aparicionnan.

“Nos ta haciendo e trabao y e trabao ta duro. Nos ta hungando bon y solido baseball cu un pitcheo bon y solido”, manager Art Howe a bisa. Baltimore a perde asina su di cinco wega consecutibo y e di 13 for di su ultimo 15 weganen.

Elimina Dialuna for di e play-offnan, Orioles ya caba a sigurana di cuater temporada como perdedor.

“Bo tin cu pasa den e momentonan mahor, caminda nos ta aworaki, pa yega caminda nos kier yega. Si e tabata facil, pues kende cu ta lo tabata por a hacie. Bo no ta logra nada sin esfuerzo”, manager di Orioles Mike Hargrove a bisa.

Giambi tabata riba e alineaciona como bateador designa pa Athletics despues di a Sali for di e wega di Diamars anochi cu un lesion na su braza robz. Pero el a ricibi base por bolas dos biaha, manteniendo asina su racha di conecta batazo na diez wega consecutivo.

El a extende su “hitting-streak” na 11 wega cu un homerun pa dos careda contra Calvin Maduro (3-5) den e di cuater asalto, cual a bira e promer hit pa Oakland. Esey a bira tambe su di 33 homerun di e temporada.


Giambi ta empuha su ruman, Jeremy, kende a ricibi base por bolas. Dos out despues, Long ta conecta un otro homerun.

Jerry Hairston ta sera e gap den e di cinco inning cu un homerun pa dos careda contra di Liddle, kende ta logra gana su di seis for di shete decision.

Athletics ta habri e wega for di otro den di seis inning riba singlanan empuhador consecutivo di Long, Miguel Tejada, Greg Myers y F.P. Santagelo. Frank Menechino ta suma un doblete empuhador y Dye ta conecta un fly di sacrificio. Santagelo ta conecta un RBI double y Menechino ta suma un RBI den di shete inning. Dye ta conecta un solo homerun den di ocho inning.

Baltimore ta score dos careda riba un doblete di Chris Richard contra Mike Magnante den di ocho y Luis Matos ta conecta un homerun pa dos careda den e di nuebe contra e Jim Mecir, kende a wordo activa for di e lista di lesionadonan djis promer cu e wega.

Mecir tabata riba e lista di lesionadonan pa 15 dia pa mayoria parti di Augustus debi na un lesion na su rudia drechi. Despues di a tira tres inning sin permiti hit, Calvin Maduro ta



permeti shete careda y shete hit durante cinco inning. Mas di 30 mil fanatico a presenta pa e Cal Ripken Jr. Day na The Coliseum, marcando e ultimo dia di

e hungador na Oakland.

Ripken, kende ta retirando na final di e temporada aki, tabata riba e alineacion di Orioles como bateador designa.